

藏園群書題記

第二集

書潛自署



藏園群書題記第一集目錄

宋本增修互註禮部韻略跋	一
再跋禮部韻略	三
宋眉山本魏書跋	三
校宋本揚子法言跋	四
宋書棚本四家宮詞跋	六
宋本文苑英華跋	七
明鈔本孔毅父文集跋	八
影宋本播芳大全跋	一〇
校本唐文粹跋	一一
殘本程氏續攷古篇跋	一二
新刊簪纓必用翰苑新書跋	一三
初刻日知錄跋	一四
宋眉山本南齊書跋	一四
明寫本春秋權衡跋	一七
宋蜀本元微之文集十卷跋	一八

鈔本丁鶴年詩集跋

二〇——二二

成化本明初三家集跋

二二——二三

明鈔老學庵筆記跋

二三——二四

明本管窺外編跋

二四——二六

宋刊巾箱本八經書後

二六——二七

周麟之海陵集跋

二七——二七

明鈔本堯史跋

二七——二八

明寫本貞觀政要跋

二八——二九

宋本甲申雜記聞見近錄跋

二九——三〇

梅苑跋

三〇——三一

再跋唐百家詩選

三一——三一

校金陀粹編續編跋

三一——三三

校景泰本謝疊山先生集跋

三三——三三

校明鈔吳正傳先生文集二十卷跋

三三——三六

校明鈔本李衛公文集跋

三六——三七

明正德刻校宋本林和靖集跋

三七——三八

北宋本范文正公集二十卷跋

三八——三九

鈔本鄱陽集跋

校宋本太平廣記五百卷跋

宋刊殘本嘉泰普燈錄六卷跋

校本小畜集三十卷跋

全謝山校困學紀聞二十卷跋

錢竹汀校本困學紀聞二十卷跋

附釋音周禮註疏四十二卷跋

宋本入注附音司馬溫公資治通鑑一百卷跋

影鈔尙書纂傳殘本十六卷跋

黃蕘圃校本對床夜話跋

校寶晉英光集跋

校桐譜跋

校本剡源集跋

校舊鈔本近光集跋

洪武本姑蘇雜詠跋

居士集殘本二十九卷

宋端明殿學士蔡忠惠公文集四十卷

三九——四一

四一——四一

四一——四二

四二——四四

四四——四五

四五——四五

四五——四六

四六——四七

四七——四七

四八——五〇

五〇——五〇

五〇——五一

五一——五三

五四——五五

五五——六〇

六〇——六二

六二——六三

纂圖互註周禮十二卷	六三——六四
明涂楨刊鹽鐵論十卷跋	六四——六八
倪刻鹽鐵論十卷跋	六八——六九
元本南史跋	六九——七〇
元本北史跋	七〇——七一
大明輿地名勝志二百七卷跋	七二——七四
說文解字十五卷	七四——七五
西夏書十一卷	七五——七六
春秋集傳纂例十卷	七六——七七
唐書藝文志注四卷	七七——七八
明刊宋寶章閣直學士忠惠鐵庵方公文集四十五卷	七八——七八
鈔本逃虛類藁不分卷	七八——七九
鈔本張氏愛日精廬文鈔一卷	八〇——八〇
百衲本北堂書鈔一百六十卷	八〇——八二

王有西遷集。蓋其謫四川利州衛時。自河南入潼關。循子午道而出漢中。復濟河登龍門而返。蓋有司馬公之風焉。所過必徵其典乘故實。若爲予今日地也。雲南則通志之外。益郭司馬黔記。謝在杭滇略。亦足以成書矣。已上諸書。缺一不成。余皆得之。似有天幸。且余入粵時。實携直隸山陝二廣諸稿以往。公餘則或編摩警校。燭見跋不休。越丙寅。余被糾削籍。墓檄追書版甚亟。家人欲盡焚其書籍。余在倉卒之中。猶抱此書而出。覆憶曩歲削稿于森軒。一夕爲偷兒挈籠以行。萬無還理。而不意其悔心之萌也。予始慙而動剗劇之想。又遇患難歸家。纔獲竣事。則又幸矣。余觀古人有所撰述。必以廿載爲期。余自戊午而迄丁卯。僅有其半。且爲行旅跋涉。簿書期會。流離困苦。所奪者十之二三。余才不逮昔。而何以功倍之乎。自此十年內。飲食寤寐而不遑自安。然亦藉是以收攝其身心。而罔敢旁溢。余固不能有所裨益於是書。而受書之益也多矣。書成而讀經讀史讀詩若文。如江河溝澮之曲折。咸知其所往而不迷。如爾雅之釋經傳。然是亦六書之流也。或者其少有益於來學乎。願與同志者商之。時崇禎三年歲次庚午首夏之朔三山曹學佺能始撰

說文解字十五卷

大興朱氏重雕宋本。前人以朱墨筆校定。所錄有何義門校本。及翁覃溪、惠定宇、王懷祖諸家之說。署名蘭滋。不知誰氏也。茲錄其題識如左。

新安吳蘇泉編脩。所藏何義門先生校本手迹。借來校看一遍。中間以愚見補正何說。即錄約蘇泉本內。十一條。凡二日而畢。丙午春二月廿三日方綱記。朱筆

書內用藍筆。皆系惠定宇之說。藍筆

說文注中从某某聲。而其字爲說文所無者。應立一表。言从某某聲。而其下一字聲不相近者。立一表。从某某亦聲。陳仲魚曰。凡言亦聲。皆兼會意。

高郵王懷祖孝廉。念孫尙書文肅公子。精於說文之學。所著說文攷異。洞見千六百年來文字得失之故。因錄其說於此內。墨筆

第五下卷以上。藍色筆所錄者。皆惠說。因惠說甚多。藍色無幾。而王說只二卷。已將墨筆錄竟。自六卷以下。將墨筆改錄惠說。俟再得王說。將藍色筆改錄王說。丁丑十月二十九日。蘭滋記。

嘉慶元年除夕。以毛刻原板校一遍。與今板不同者。共校出五十二處。其補出篆文。下有黑板。內注出在某字下者。原本悉無之。蓋今板是後來又經脩改矣。

西夏書十一卷

周春撰。舊寫稿本。存載記五卷。地理考一卷。官氏考一卷。列傳四卷。載記一至五。題西夏書卷三至卷七。載記一葉。地理官氏兩考。爲題西夏書卷九卷十。以全書標卷核之。缺卷一卷二卷八。未審所缺者爲何。其卷二記毅宗事。祇草書一葉。文亦未畢。似松靄未成之藁本也。惟列傳四卷。獨爲完具。前所自序一篇。題下注云。先欲單行。故有此序。茲取原文。附之後幅。儻有褚少孫。班昭其人者。因而足成之。以備霸史之一庶。無負松靄。露鈔。雪纂之苦心乎。

嘉慶甲子仲夏既望。見訪經舍課題。思欲撰西夏書。五旬而藁粗具。正效棗菴之蟄。俄求龍樹之方。未暇討論。因之中輟。竊念他史莫難於志。而夏書惟傳最難。列傳既完。全書易就。但乞鈔胥兩手。何須藩溷十年。垂炳燭之餘。

光。先成四卷。備西朝之霸史。媿乏三長。綴集舊聞。搜羅逸典。訪壬戌無名之記。燼簡罕傳。弔中興李夏之都。荒墟安在。聊比崔鴻蕭方等之作。且補孫吳劉溫潤之亡。所冀博雅通儒。摘瑕糾謬云爾。太歲月日同在□□□□□□□□□□

□□□□□周春識。

春秋集傳纂例十卷

明翻宋本。半葉十二行。二十二字。白口左右雙闌。前有陸淳自序。下接總目。每卷前又附目錄。

收藏有吳城、敦復、羅以智印、鏡泉、江東羅氏所藏、郭宗泰印、友梅、各印。

此書舊爲同年曾剛父右丞所藏。書衣題識四則。茲錄如后。

唐人說春秋者。存啖趙兩家而已。虛傳皆纂自陸淳。此外有春秋微旨三卷。春秋集傳辨疑十卷。皆兩家之說。此

當爲明刻。尙精好。惜僅此種耳。

提要稱此書爲掇擊三傳之始。然箴膏肓。起廢疾。發墨守。何鄭相難。並其先例。三傳自有得失。亦自有公論。詬爭殆可不必。後來盧玉川所爲束之高閣。獨抱遺經究終始也。

書內脩傳終始記。於啖稱先生。於趙稱夫子。於重脩集傳義內。稱淳秉筆持簡。侍於啖先生左右十有一年。故提要稱陸淳釋其師啖助其友趙匡之說。然淳自謂請益二門。則似俱以爲師。故書中引兩氏之說。曰啖子趙子。特未審先生夫子之稱。若何分別耳。

亭林鈔書自序云。今年至都下。從孫思仁先生得春秋纂例。春秋權衡。漢上易傳等書。清苑陳祺公資以薪米紙筆。寫之以歸。然則此書在國初亦難得之本矣。

何義門家書內稱。襲家刻春秋三書。其實但有纂例。板亦燬矣。偶遇春秋微旨。萬不可錯過。此書迺經書之寶也。云云。此本未審是否襲刻。然此書在國初真難得之物也。

按此書。宋時慶曆間有朱臨刻本。見天一閣書目。有蜀刻小字本。見袁清容集。金時有平陽府刻本。見吳淵穎集。元時有江西刻本。今皆不傳。此本狹行密字。疑從蜀出也。陸存齋引經義考言。明嘉靖中吳邑令晉江汪且刻本。有華察後序。此本字體與嘉靖吳中所刻唐文粹。藝文類聚一例。或即汪且本。而失察序歟。其推測殊爲精當。但余得此本。亦無華序矣。至存齋所舉。明本勝襲刻處。補脫文十五條。近二百言。余以新得襲本證之。所言皆合。此外異字。尙難以枚舉。存齋謂襲本疑出元刻。視蜀本自遠。不如其後武英殿聚珍本。經苑本。沿訛踵繆。與襲刻同。而又當焉。則更不足置論矣。

唐書藝文志注四卷

鈔本。墨格。版闌外左下方有蘊香移鈔四字。蓋出自執風繆氏也。原書以新唐書藝文志爲主。下注隋志有無異同。凡書之存亡。及後人輯本。皆詳列之。其攷訂訛舛。則加謹案二字。舊唐書原文則低一格附焉。

按此書不題撰人。觀其所引輯本各書。已至近代。則亦近人所爲也。宣統三年。余謁唐春卿尙書於學部。聞尙書自注唐書。每入署治事。恒挾數冊自隨。因舉詢之。自言生平致力此書。已二十年。昔由廣州航海北上。船未啓碇。而火發。衣裝盡燬。獨唐書注稿。挈之隨身。尙未輦致。因得幸免。近日屬藁已畢。第須重理。再錄定本耳。其後尙書歿於津邸。余詢其姪婦某氏。言原稿尙扁篋笥。門人有集資刊行之議。今勿勿又十年。音問寂然。則其事未舉可知。方尙書掌學部時。執風前輩方領圖書館事。意此帙必從唐氏錄副者。其卷中尙有執風增訂數十條。獨老人

惜墨如金。未誌其原委。使後人疑莫能明耳。

明刊宋寶章閣直學士忠惠鐵庵方公文集四十五卷

宋方大琮撰。明正德刊本。題廣西按察司按察使族孫良永校正。廣東布政司右參政族孫良節編刊。半葉十行。行十九字。大黑口。四周雙闌。版心字數及刊工人名。皆用白文。前有正德七年壬申鳳山見素子林俊序。正德八年癸酉南海張詡廷實序。按簡宋樓藏書志。前尚有劉克莊序。此本失之。

考鐵庵集。四庫總目著錄爲三十七卷。浙江鮑士恭所進。此本乃四十五卷。較四庫多八卷。按提要云。原集久佚。此乃族孫良節良永蒐輯。已非全帙。則鮑氏所進。即此正德刊本。何致卷數歧出。至此意當時必失去末冊。故所存止此耳。此外張金吾瞿鏞所藏鈔本。皆稱三十六卷。陸心源藏鈔本二十六卷。大抵多緣殘佚而致誤也。此書刊本不多覩。惟丁氏善本書室。陸氏韻宋樓有之。此本有澹生堂藏書記。曠翁手識。子孫永寶。山陰祁氏藏書之章。各印。蓋寓山園舊物也。其各卷次第。詳列左方。以資參證焉。

卷一至三卷議 卷四進故事 卷五奏申 卷六外制 卷七表 卷八至十二啓 卷十三尺牘 卷十四至二十五書 卷二十六賦 卷二十七論 卷二十八策 卷二十九三十策問 卷三十一詩 卷三十二記 卷三十三文 卷三十四序 卷三十五銘 卷三十六說 卷三十七題跋 卷三十八祝文 卷三十九詞 卷四十祭文 卷四十一墓誌銘 卷四十二奏劄 卷四十三表箋 卷四十四啓 卷四十五劄

檢末卷中各文其四十二以下多代人所作故其門類與前複出耳

鈔本逃虛類藁不分卷

舊鈔本十行，二十一字，前有自序，題壬辰冬十一月。蓋永樂十年也。後附總目，第一賦頌，三第二記，十一，第三碑塔銘，四，第四表墓銘，二，第五序，十二，第六讚銘說，十六，第七雜著，八，第八傳行狀祭文，六，第九書題跋，九，第十疏。二十一。按四庫總目，著錄逃虛子集十一卷，類稿補遺八卷。此本文以類次，約當十卷之數。與四庫不符。然提要云：廣孝所著，初名獨庵藁，歿後吳人合刻其詩文，曰逃虛子。今卷首標名曰逃虛類藁，次行題獨庵藁，首尾完具，是即初刻之獨庵集矣。收藏有謙牧堂藏書記，兼牧堂書畫記，韓氏家藏，玉雨堂印，黃時起印，聞興各印，此書未見刻本。因錄其原序於後。序中所指斥程朱謬誕逐條剖析之文，則見所著道餘錄，別有刊本也。

余曩爲僧時，值元季兵亂，年近三十，從遇庵和尚於徑山習禪學。暇則披閱內外典籍，以資才識。因觀河南二程先生遺書，及新安晦庵朱先生語錄。三先生皆生趙宋，傳聖人千載不傳之學，可謂問世之英傑，爲世之眞儒也。三先生因輔名教，惟以攘斥佛老爲心。太史公曰：世之學老子者，絀儒學，儒學亦絀老子，道不同，不相爲謀。古今共然，奚足怪乎？三先生既爲斯文宗主，後學之師範，雖曰攘斥佛老，必當據理。至公無私，則人心服焉。三先生因不多探佛書，不知佛之底蘊，一以私意出邪說之辭，枉抑太過，世人之心，亦多不平。况宗其學者哉？二程先生遺書中有二十八條，晦庵先生語錄中有二十一條，極爲謬誕。余不揣，乃爲逐條據理，一一剖析，豈敢言與三先生辯也。不得已也。亦非佞於佛也。藁成，藏於巾笥，中有年。今冬十月，余自公退，因檢故紙，得此藁，即淨寫成帙。目曰：獨庵藁。置之几案間。士君子有過余覽是編者，知我罪我，其在茲乎？壬辰冬十一月，長至日，逃虛子叙。

按士禮居題跋有逃虛子詩集十卷，續一卷，乃刻本。第未著爲何時所刻耳。又言得一舊鈔逃虛類藁，錄副與詩集合。應是藁，圖於類藁，亦未見刻本也。

鈔本張氏愛日精廬文鈔一卷

舊寫本，首頁殘損。失去標題。以文考之。知為張金吾所著。因為補題此名。原藏繆蕻風前輩家。余從其詰嗣子壽得之。卷中錄文二十篇。月霄所存。決不止此。其刊行與否。亦不可知。茲標其目於左。海虞近多賢達之士。刊行典籍。相師成風。儻有搜采鄉邦文獻者。當錄副以詒之。

釋冕 釋弁 相鼠說 木瓜說 黍離說 揚之水說 伐檀說 蕪葭說 善善者莪說 殷人貴富說

康誥說 季冬始漁解 貴黍賤稷解 虞鄉續記序 金文最序 宋槧經典釋文殘本跋 宋蜀大字本月

令跋 影寫宋刊本北山小集跋 覆褚仙根問禘郊宗祖書 上受業師黃琴六先生論古文書

百衲本北堂書鈔一百六十卷

此書嘉慶時嚴鐵橋據宋本校刊於金陵。未畢而罷。光緒戊子姚彥侍以活字排印於蘇州。亦僅成百卷。繆蕻風老人得嚴刻殘本十一卷。益以姚刊百卷。舊鈔大唐類要數卷。不足者就孫淵如藏鈔本傳錄二十二卷。補完題為百衲書鈔。而自記其源委於後。茲并附著之左方。書鈔自南海孔氏重刻。風行海內。較明代陳氏本。自有霄壤之別。然見本不多。疏失時復錯出。就余所見者。常熟翁叟夫前輩家藏明鈔本。吳氏望三益齋藏汲古閣舊鈔本。臨清徐氏藏傳錄明宋本。余家亦藏有明臥雲山館鈔本。皆足以為校訂之資。至嚴氏刊本。雖屬殘帙。然傳世極稀。絕可寶貴。暇時當合取諸本。就孔刻覆勘之。其匡糾之處必多也。

蕻風老人跋錄後

唐虞永興撰北堂書鈔。猶在隋時。故隋志著錄。作一百七十四卷。唐志作一百七十三卷。中興書目及宋志。並百

六十卷。與今本同。晁氏讀書志云一百七十三卷。與唐志合。又云家本百二十卷。則自相牴牾矣。又云八十部八百一類。今本起帝王部帝王類總載。迄地部石部。凡十九部八百五十二部類。非殘缺。即併省。已非永興之舊第。自修文殿御覽失傳後。以此書爲最古。王伯厚云。二館舊缺書鈔。惟趙安仁家有之。眞宗命內侍取之。手詔褒美。是北宋已極難得。至明萬曆間。常熟陳禹謨。始以鈔本傳刻。臆改臆刪臆補。並以他書易之者。指不勝屈。前人所謂刻書而書亡者此也。大約所據本。顛倒錯亂。既不能校讐。又不能闕疑。致此潦草。非眞喪心病狂也。嘉慶中。嚴鐵橋客冶城山館。淵如先生屬以校刻。江西糧道胡念農。稷助以貲二百金。鐵橋竭八九月之功。校定卷百三十二起。百六十止。而荃孫所得嚴刻。止卷一百三十九起。一百四十二止。又卷一百四十九起。一百五十五止。共十一卷。抑止刻此數耶。或此印本未全耶。然求之三四十年。亦未見有二本。車總編後。有嚴手跋三行云。嘉慶二十一年十一月初六日校此卷起。至十七日校訖。每日黎明即起。至二鼓或三鼓就睡。窮十二日之力。始得清本一卷。嗚呼難矣。烏程嚴可均記。其難校亦可想見。鐵橋所云五本。蕘圃一。淵如一。月霄一。小米一。鐵橋自留一。今蕘圃本歸罍里瞿氏。即竹垞所藏。大唐類要淵如本。歸祥符周氏。餘三本不知所在。惟淵如所藏。謂有雲章閣及緱佩齋收藏印。是元陶九成寫本。是王伯申錢既勤洪筠軒王石華與鐵橋同校之本。是爲最佳。光緒初年。吾友姚彥侍李橋農。假得瞿氏本。悉心校讐。行歛雅飭。惜止印百卷。而彥侍病歿。橋農亦供職離蘇矣。後粵東孔氏據孫本校出刊行。較之陳本。自相天壤。然訛脫閒亦有之。又未得見鐵橋刻本。吳興張君石銘。得孫氏副本。綿紙明鈔。首有淵如先生長跋。所校粵本。孫有而粵本無者。亦數十條。佳本在五本之外者。爰取姚印一百卷。嚴刻本十一卷。又舊鈔校大唐類要本數卷。不足。從孫本鈔成。訂爲一帙。亦可云百衲本書鈔矣。歲在丙辰三月江陰繆荃孫鈔。

